

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին
11.02.2020թ. թիվ 2010825072 որոշումը բեկանելու և վարչական իրավախախտման
վերաբերյալ գործի վարույթը կարճելու մասին

<<16>> 03 2020թ. 7-13- 2865

ք.Երևան

Ճանապարհային ոստիկանության պետ, ոստիկանության գնդապետ
Ե.Կարապետյանս, վերանայելով Արման Գրիգորյանի ՄԴ/10330-20 դիմումի
քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Սվաճյան 46-րդ շենքի 31-րդ բնակարանի բնակիչ Արման
Գրիգորյանը դիմումով խնդրել է անվավեր ճանաչել Ճանապարհային
ոստիկանության վարչական տույժ նշանակելու մասին թիվ 2010825072 որոշումը՝
նշելով, որ <<OPEL>> մակնիշի 36GF977 հաշվառման համարանիշի
տրանսպորտային միջոցը տեղակայվել է երկրորդ շարքում
ճանապարհատրանսպորտային պատահարի հետեվանքով:

Դիմումի քննարկման արդյունքում պարզվել է, որ վերը նշված որոշումը ենթակա
է բեկանման՝ հետևյալ պատճառաբանությամբ.

Ճանապարհային ոստիկանության թիվ 2010825072 որոշման հիմքում դրված
տեսանյութը փաստում է, որ << OPEL >> մակնիշի 36GF977 հաշվառման
համարանիշի տրանսպորտային միջոցը 21.01.2020թ-ին՝ ժամը 19:37-ին Երևան
քաղաքի Մուրացան – Ռոստոմյան փողոցների խաչմերուկի հատվածում տեղակայել
է երկրորդ շարքում:

<<Տեսանկարահանող և լուսանկարահանող սարքերով հայտնաբերված
ճանապարհային երթևեկության կանոնների խախտումների վերաբերյալ գործերով
իրականացվող վարչական վարույթի առանձնահատկությունների մասին>> օրենքի
3-րդ հոդվածի 1-ին մասի համաձայն՝ վարչական վարույթի իրավախախտման
հատկանիշների պարզման փուլում իրավախախտումը հիմնավորող ապացույցը
իրավախախտումն ամրագրած **տեսանյութն է կամ լուսանկարը**: Ըստ նույն
հոդվածի 2-րդ մասի՝ որպես իրավախախտումը հիմնավորող ապացույց վարչական
կամ դատական կարգով բողոքարկման վարույթում կարող են օգտագործվել
վարչական իրավախախտումների վերաբերյալ Հայաստանի Հանրապետության
օրենսգրքի 251-րդ հոդվածով նախատեսված ապացույցները:

վարչական իրավախախտումների վերաբերյալ ՀՀ օրենսգրքի 251-րդ հոդվածի 1-
ին մասի համաձայն՝ վարչական իրավախախտման վերաբերյալ գործի
ապացույցներ են համարվում ցանկացած այն փաստական տվյալները, որոնց հիման
վրա օրենքով սահմանված կարգով մարմինները (պաշտոնատար անձինք)
հաստատում են վարչական իրավախախտման առկայությունը կամ

բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

<<Վարչական իրավախախտումների վերաբերյալ>> ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Դիմումին կից ներկայացված ճանապարհատրանսպորտային պատահարի վերաբերյալ <<Ռոսգոստրախ-Արմենիա>> Ապահովագրակա ՓԲԸ-ի կողմից տրված տեղեկանքը փաստում է, որ 09.01.2020թ-ին՝ ժամը 13:30-ին սահմաններում Երևան քաղաքի Վ.Համբարձումյան - Երզնկյան-Բաղրամյան փողոցների խաչմերուկի հատվածում << NISSAN >> մակնիշի 57FA777 հաշվառման համարանիշի ավտոմոբիլի մասնակցությամբ տեղի է ունեցել ճանապարհատրանսպորտային պատահար,ինչը հաստատվում է նաև ճանապարհային ոստիկանության կողմից 09.01.2020թ. ձևակերպած արձանագրություն-համաձայնությամբ(մատյան 462):

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 11.02.2020թ. թիվ 2010787483 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արման Գրիգորյանին:

Կատարող՝ Հ.Կարապետյան
Հեռ. 011544783



Ե.Կարապետյան